

POPERA GA GÁRATAANEWA YEXMAGÜXÜ

GA YAXÖGÜXÜTANÜWA

NAMUXÜ GA PAURU

**Pauru rü nüxü narümoxe ga yema
yaxögüxü ga Gárataaneärü ñānegüwa
yexmagüxü**

1 ¹⁻²Pa Toeneëgü i Yaxögüxü i
Gárataaneärü ñānegüwa
Ngëxmagüxüx, choma i Pauru rü namaã
i guxüma i taeneëgü i nuã chauxütawa
ngëxmagüxü nixi i pexçax
tanaxümatüxü i ñāa popera. Rü choxü
nixi ga namugüxü ga Ngechuchu ya
Cristu rü Tanatü ya Tupana. Rü
aixcüma tama duüxügü nixi ga choxü
mugüxü rü exna choxü unetagüxü na
chanaxüxüçax i ñāa Tupanaärü puracü.
Natürü nümatama ga Ngechuchu ya
Cristu rü Tanatü ya Tupana ga
Ngechuchuxü írüdaxëecü nixi ga choxü
namugüxü. ³Rü chanaxwaxe i Tanatü ya
Tupana rü törü Cori ya Ngechuchu ya
Cristu poraäcü pexü narüngüxëe rü
pexü nataäexëe. ⁴Rü nüma ga törü Cori
ya Ngechuchu rü nügü inaxä na törü
pecaduçax nayuxüçax na nüxna tüxü
ínanguxüxëexüçax i guxüma i ñoma i

naāneärü chixexü. Rü yemaäcü nanaxü,
yerü yema nixi ga Tanatü ya Tupanaärü
ngüchaü. ⁵iNamexëchi ya Tupana i
guxüguma! Rü ngëmaäcü yii.

Nataxuma i to i ore i tüxü maxëxëxü

⁶Rü yema na Cristuaxü
pengechaütümüügüxüçax nixi ga pexna
naxuxü ya Tupana na penayaxuxüçax i
maxü i taguma gúxü. Rü nüxma rü
poraäcü chaçaixächiaë, erü paxaxüchi
ipenaxügü na Tupanana pixigachixü, na
nawe perüxüçax i to i nguxëetae i
nagu perüxüüëgu rü pexü maxëxëxü.
⁷Natürü tama aixcüma nangëxma i to i
nguxëetae i nawa nayaxuxü i maxü i
taguma gúxü. Natürü nangëxma i nüxre
i duüxügü i pexü naguxchaxëexüxü,
rü nanaxüchicüügüchaü i ngëma
nguxëetae i mexü ga pemaã nüxü
chixuxü ga Cristuchiga. ⁸Rü toma rü
marü pexna tanaxä ga yema nguxëetae i
aixcüma ixixü i Ngechuchuchiga. Rü
ngëxguma chi texé pexü ngüexëëgu i to
i nguxëetae, rü name nixi i noxtacüma

Tupana tūxũ napoxcu. Rũ woo choma chixĩgu, rũ ẽna tacũ rũ Tupanaãrũ orearũ ngerũĩ i daxũcũāx yixĩgu i pexũ ngxẽẽxũ i to i ngxẽẽtae, rũ name nixĩ i noxtacũma Tupana tūxũ napoxcu. ⁹Rũ ñuxma rũ wena pemaã nũxũ chixu ga yema noxri pemaã nũxũ chixuxũ. Rũ ngxẽguma chi texẽ pexũ ngũexẽẽgu i wũxi i to i ngxẽẽtae i tama yema noxri peyaxuxũrũĩ ixĩũ, rũ name nixĩ i noxtacũma Tupana tūxũ napoxcu. ¹⁰Rũ tama chomaã na petaãẽgũxũcax nixĩ i ngẽma ñachaxũ. Erũ tama naxcax chadau na duũxũgũ chomaã taãẽgũxũ, natũrũ Tupana chomaã taãẽxũcax nixĩ i chadauxũ. Erũ ngxẽguma chi duũxũgũxũxicatama chataãẽxẽẽchaũgu, rũ tãũ chima Cristuarũ puracũtanũxũ chixĩ.

Ñuxacũ Pauruxũ nayaxu ga Tupana na norũ puracũwa namuãxũcax

¹¹Natũrũ, Pa Chaueneẽgũx, chanaxwaxe i nũxũ pecuax na ñaã ore i mexũ i nũxũ chixuxũ, rũ tama duũxũgũãẽwa yĩxũ na ne naxũxũ. ¹²Yerũ tama wũxi ga duũxũxũtawa naxcax changux. Natũrũ Ngechuchu ya Cristutama nixĩ ga choxũ nũxũ cuaxẽẽcũ. ¹³Pema rũ marũ nũxũ pexĩnũẽchiga na ñuxacũ chamaxũxũ ga ũpa ga yexguma Yudfugũcũmagu chixũxgu. Rũ nũxũ pexĩnũẽchiga na ñuxacũ poraãcũ nawe chingẽchigũxũ ga guxũma ga Tupanaãrũ duũxũgũ ga yaxõgũxũ rũ ñuxacũ chixri namaã na chaxũpetũxũ na yemaãcũ nũxũ nũxũ charũxoxẽẽxũcax ga yema na Ngechuchuaxũ yaxõgũãxũ. ¹⁴Rũ muxũma ga chautanũxũgũ ga Yudfugũ

ga chorũ nayaãxgũraũxũãrũ yexera nagu chixũ ga yema Yudfugũcũma. Yerũ norũ yexera meãma chayanguxẽẽ ga nacũmagũ ga nuxcũmaũgũxũ ga chorũ oxigũ nagu ixũ. ¹⁵⁻¹⁶Natũrũ yexguma tautama chabuxgu, rũ woetama Tupana choxũ naxuneta na choxũ namuxũcax na chanaxũxũcax i norũ puracũ. Rũ nũma rũ chauxcax naca na noxri chixĩxũcax yerũ poraãcũ choxũ nangechaũ. Rũ yexguma Tupana naxwaxegu, rũ choxũ nũxũ nacuaxẽẽ ga Nane ya Cristu. Rũ yemaãcũ nanaxũ na ngẽma duũxũgũ i tama Yudfugũ ixĩgũxũmaã nũxũ chixuxũcax na ñuxacũ Ngechuchugagu tũxũ nangẽxmaxũ i maxũ i taguma gũxũ. Rũ yexguma yemaãcũ Tupana choxũ nũxũ cuaxẽẽgu ga Nane, rũ taxũenama chayaca. ¹⁷Rũ bai ga Yerucharẽũwa na chaxũxũ na nũxna chayaçaxũcax ga yema togũ ga ngũexũgũ ga nũxĩra Tupana imugũxũ. Natũrũ ga choma rũ yexgumatama Arábíaanewa chaxũ. Rũ yemawena, rũ Damacuarũ iãnecax chataegu. ¹⁸Rũ tomaẽxpũx ga taunecũ nawena ga Cristuaxũ na chayaxõxũ, rũ yexguma nixĩ ga dũxwa Yerucharẽũwa chaxũxũ na Pedrũxũ chacuáxũcax. Rũ 15 ga ngunexũtama naxũtawa chayexma. ¹⁹Rũ yéma nũxũ chadau ta ga Chaũtiágu ga tórũ Cori naẽneẽ. Natũrũ taxuũma ga togũ ga ngũexũgũ ga tórũ Cori imugũxũxũ chadau. ²⁰Rũ Tupana choxũ nadau na aixcũma yĩxũ i ngẽma ore i ñuxma pexcax chaxũmatũxũ. ²¹Rũ yemawena, rũ Chĩríaaanewa rũ Chĩríchiaanewa chaxũ. ²²Natũrũ yema taeneẽgũ ga Cristuaxũ yaxõgũxũ ga Yudéaaanewa yexmagũxũ, rũ taguma

choxũxũchi nadaugũ. ²³Rũ yema nũxũ naxĩnũẽxũ ga chauchiga rũ ñaãĩcatama nixĩ:

“Rũ ngẽma Pauru ga ũpa tawe ingẽchigũxũ, rũ ñuxma rũ duũxũgũmaã nũxũ nixu i Tupanaãrũ ore i mexũ, rũ namaã nayaxucuxẽ na Cristuaxũ yaxõgũãxũcax. Rũ ngẽmaãcũ nanaxũ i ñuxma rũ woo ga noxri rũ inayanaxoxẽẽchãũ ga yema ore”, ñaxũ. Rũ yexicatama nixĩ ga chauchiga ga nũxũ naxĩnũẽxũ. ²⁴Rũ yexguma ga yema duũxũgũ rũ Tupanaxũ nicuaxũũgũ nagagu ga yema Tupana chomaã ũxũ.

Yema togũ ga ngũexũgũ ga Tupana imugũxũ rũ meã Pauruxũ nayauxgũ

2 ¹Rũ 14 ga taunecũwena rũ wenaxãrũ Yerucharẽũwa chaxũ namaã ga Bernabé. Rũ Titu rũ ta íchayaga. ²Rũ yéma chaxũ yerũ Tupana choxũ nũxũ nacuaxẽẽ ga na nanaxwaxexũ na yéma chaxũxũ. Rũ yéma Yerucharẽũwa, rũ yema yaxõgũũãrũ ãẽxgacũgũmaãĩcatama changutaquexe. Rũ meãma namaã nũxũ chixu ga nachiga ga yema Tupanaãrũ ore i mexũ ga nũxna chaxãxũ ga yema duũxũgũ i tama Yudũgũ ixĩgũxũ. Rũ yemaãcũ meãma namaã nũxũ chixu na ñuxãcũ na yĩĩxũ ga chorũ nguxẽẽtae, yerũ tama chanaxwaxe na yixcũra rũ choxũ nũxũ naxoexũ rũ ngẽmaãcũ natũcaxmamare na yĩĩxũ i ngẽma puracũ i chaxũxũ. ³Rũ yema yaxõgũxũ, rũ nũmagũ rũ ta norũ me nixĩ ga yema chorũ nguxẽẽtae. Rũ yemacax rũ woo tama Yudũ na yĩĩxũ ga Titu rũ taguma na ínawiechaxmũpexechiraũxũ, natũrũ yema ãẽxgacũgũ rũ tama nanamu na

ínawiechaxmũpexechiraũxũcax. ⁴Natũrũ aixcũma nixĩ ga ñuxre ga taeneẽgũneta ixĩgũxũ ga bexmamare tatanũgu nachocuxũ. Rũ yemagũ nixĩ ga naxwaxegũxũ na ínawĩũchaxmũpexechiraũxũ i ngẽma yaxõgũxũ i tama Yudũgũ ixĩgũxũ. Rũ ñuxma na Ngechuchu ya Cristuarũ duũxũgũ ixĩgũxũ, rũ yema taeneẽgũneta rũ bexma tatanũgu nachocu na tũxũ nangugũgũxũcax na ñuxãcũ Cristu nũxna tũxũ ínguxũxẽẽxũ ga yema mugũ ga Moĩché ũmatũxũ. Yerũ nũmagũ nanaxwaxegũ na wenaxãrũ nagu ixĩxũ ga yema mugũ ga guxchaxũgũ ga Moĩché ũmatũxũ. ⁵Natũrũ bai ga írarũwa naga na taxĩnũẽxũ ga yema duũxũgũ. Yerũ tama tanaxwaxegũ na texé pexũ naxũchicũũxũ i ngẽma ore i mexũ i aixcũma ixĩxũ i tamaã nũxũ ixuxũ i ñuxãcũ tũxũ na nangẽxmaxũ i maxũ i taguma gũxũ ega Cristuaxũ yaxõgũgu. ⁶Natũrũ yexguma yema yaxõgũũãrũ ãẽxgacũgũ ga Yerucharẽũwa yexmagũxũ nũxũ ínũẽgu ga ñuxãcũ na yĩĩxũ ga chorũ nguxẽẽtae, rũ namaã nataãẽgũ rũ taxuũma ga tacũ ga togũ ga mugũ choxna naxãgũ na namaã changũxẽẽtaexũcax. Natũrũ tama yema na ãẽxgacũgũ yixĩgũxũgu charũxĩnũ, erũ nũxũ chacuax na Tupanapexewa rũ guxãma na wũxiguxũ. ⁷Natũrũ nũmagũ ga yema ãẽxgacũgũ, rũ nũxũ nicuaxãchigũ na choxũ yĩĩxũ ga namuxũ ga Tupana na yema duũxũgũ ga tama Yudũgũ ixĩgũxũmaã nũxũ chixuxũcax ga norũ ore i mexũ, yexgumarũũ ga Pedruxũ na namuxũrũũ ga Tupana na Yudũgũmaã nũxũ yaxuxũcax ga yema ore. ⁸Rũ gumatama

Tupana ga Pedruxũ mucũ na Yudfugũmaã nũxũ na yaxuxũ ga ore i mexũ, rũ gumatama Tupana nixĩ ga choxũ mucũ na yema duũxũgũ ga tama Yudfugũ ixĩgũxũmaã nũxũ chixuxũcax ga yema ore. ⁹Rũ yemaçax ga Chaũtiágu rũ Pedru rũ Cuáũ ga yaxõgũxũârũ ãëxgacũgũ, rũ nũxũ nicuaxãchigũ na choxũ naxunetaxũ ga Tupana na chanaxiũcax i ngẽma puracũ. Rũ yemaçax ga yema ãëxgacũgũ, rũ tomex niyaxãchigũ ga choma rũ Bernabé na toxũ nũxũ nadauxẽëgũxũcax na aixcũma namũcũgũ tixĩgũxũ i ngẽma puracũwa. Rũ nũmagũ rũ ta norũ me nixĩ na ngẽma duũxũgũ i tama Yudfugũ ixĩgũxũtanũwa na tanaxũxũ i Tupanaârũ puracũ rũ nũmagũ i Yudfugũtanũwa. ¹⁰Rũ toxna naxcax naca na nũxũ tarũngũxẽëgũxũcax ga yema yaxõgũxũ ga ngearũ diẽruãxgũxũ. Rũ yexicatama nixĩ ga toxna nũxũ nacuaxãchixẽëxũ. Rũ choma rũ ta ngẽmatama nixĩ i guxũguma woetama meãma chaxũxũ.

Pauru rũ Aũtioquíawa Pedruxũ naxucuxẽ

¹¹Natũrũ yixcũra ga yexguma Aũtioquíawa naxũxgu ga Pedru, rũ noxtacũma nũxũ nũxũ chaxĩnũxẽë, yerũ tama aixcũma name ga yema naxũxũ namaã ga yema yaxõgũxũ ga tama Yudfugũ ixĩgũxũ. ¹²Yerũ noxri rũ yema duũxũgũ ga tama Yudfugũ ixĩgũxũmaã nachibũ ga Pedru. Natũrũ yexguma yẽma nangugũgu ga ñuxre ga Yudfugũ ga yaxõgũxũ ga Chaũtiágu yẽma mugũxũ, rũ Pedru rũ marũ tama yema duũxũgũ ga tama Yudfugũ ixĩgũxũmaã nachibũchaũ. Rũ Yudfugũmaãxĩcatama nachibũ ga yexguma yerũ nũxũ namuũ

ga yema Yudfugũ ga yẽma ngugũxũ ga nagu iũxũ ga yema nacũma na Tupanaçax ñnawiechaxmũpexechiraũgũxũ. ¹³Rũ yema togũ ga Yudfugũ ga yaxõgũxũ, rũ yexguma nũxũ nadaugũgu ga yema Pedru uũxũ, rũ nũmagũ rũ ta nanaxũgũ ga yema chixexũ rũ naxcax nawoeguchaũ ga yema nuxcũmaũgũxũ ga nacũmagũ. Rũ dũxwa ga Bernabé rũ ta natanũgu naxã ga yema chixexũ uũgũxũ. ¹⁴Natũrũ yexguma nũxũ chadaũxgu na tama Tupanaârũ ore i mexũ tũxũ nguxẽëxũãcũma na namaxẽxũ ga yema yatũgũ, rũ guxũ ga yaxõgũxũpexewa Pedruxũ nũxũ chaxĩnũxẽë. Rũ ñacharũgũ nũxũ:

“Rũ dũcax i cuma na Yudfũ quiĩxũ, cuma rũ tama aixcũma Yudfũrũũ nagu quixũ i ngẽma Yudfugũcũma, natũrũ wũxi i duũxũ i tama Yudfũ ixĩxũrũũ cumaxũ. ¿Rũ ñuxãcũ i ñuxma i cunaxwaxexũ na Yudfugũcũmagu naxĩxũ i ngẽma duũxũgũ i tama Yudfugũ ixĩgũxũ?” ñacharũgũ nũxũ.

Yudfugũ rũ woo ngẽma duũxũgũ i tama

Yudfugũ ixĩgũxũ rũ norũ õgagu nixĩ i nayauxgũãxũ i maxũ i taguma gũxũ

¹⁵Rũ pemaã nũxũ chixu rũ toma rũ aixcũma torũ bucũmatama Yudfugũ tixĩgũ rũ Tupanaxũ tacuaxgũ. Rũ ngẽmaãcũ tama duũxũgũ i tama Tupanaxũ cuaxgũxũ tixĩgũ. ¹⁶Rũ nũxũ tacuaxgũ rũ yema nuxcũmaũgũxũ ga mugũ ga Moĩché ũmatũxũ rũ tama tũxũ nimexẽë i Tupanapexewa, erũ taxucũrũwama texé aixcũma naga taxĩnũë i ngẽma mugũ. Natũrũ i ñuxma rũ Tupana tũxũ nadau na imexũ ega

Ngechuchu ya Cristuaxŭ yaxōgŭgu. Rŭ yemaçax ga toma rŭ ta Ngechuchu ya Cristuaxŭ tayaxōgŭ na torŭ ōgagu Tupana toxŭ nadauxŭ na timexŭ. Erŭ nŭxŭ tacuaxgŭ rŭ tama ngēma mugŭgagu nixŭ na Tupanapexewa tamexŭ ya wŭxie, erŭ taxucŭrŭwama texé aixcŭma naga taxŭnŭ i ngēma mugŭ na ngēmaācŭ Tupanapexewa tamexŭçax. ¹⁷Rŭ ñuxma i yixema rŭ Cristuaxŭ tayaxōgŭ, rŭ ngēmaçax nixŭ i Tupanapexewa imexŭ. Natŭrŭ ngēxguma chi wŭxi i ngunexŭgu rŭ yixema naga rŭxŭnŭēgu rŭ mugŭgu na ixŭxŭgagu yixŭgu na Tupanapexewa imexŭ, rŭ maneca tá naga tarŭxŭnŭē na Cristu tŭxŭ pecaduāxēxŭ. Natŭrŭ dŭcax, rŭ tama ngēmaācŭ nixŭ erŭ Cristu rŭ tagutáma texéxŭ napecaduāxēē. ¹⁸Choma rŭ marŭ nŭxŭ charŭxo na naga charŭxŭnŭxŭ na mugŭgu chixŭxŭgagu Tupanapexewa chamexŭ. Natŭrŭ ngēxguma chi wenaxārŭ naxçax chataegugu i ngēma nuxcŭmaŭgŭxŭ i mugŭ rŭ chi nŭxŭ charŭxoxgu na Cristuaxŭ chayaxōxŭ, rŭ chi aixcŭma wŭxi i pecaduāxŭ chixŭ. ¹⁹Yerŭ yexguma yema mugŭwa changŭxgu, rŭ dŭxwa nŭxŭ chicuaxāchi na tama yangŭxŭ ga yema mugŭ na choxŭ namexēxŭ Tupanapexewa. Yerŭ taxucŭrŭwama aixcŭma naga chaxŭnŭ ga guxŭma ga yema mugŭ. Rŭ ngēmaçax i ñuxma rŭ Cristuaxŭ chayaxō na Tupanapexewa chamexŭçax rŭ naxçaxicatama chamaxŭxŭçax. Rŭ Cristu rŭ curuchagu naya na iyanaxoxŭçax ga nuxcŭmaŭxŭ ga chorŭ maxŭ ga choxŭ yexmaxŭ ga yexguma yema mugŭgu chixŭxgu. ²⁰Rŭ ñuxma rŭ

tama chomatama nixŭ i chaugŭmaā ichacuáxŭ, natŭrŭ Cristumexēwa nangēxma i chorŭ maxŭ, rŭ nŭma nixŭ i chomaā inacuáxŭ. Rŭ ñuxma rŭ Tupana Nane ya Cristuaxŭ chayaxōcŭma nixŭ i chamaxŭxŭ i ñoma i naānewa. Rŭ nŭma nixŭ ga choxŭ nangechaŭŭxŭ, rŭ nŭgŭ inaxāxŭ na chauxçax nayuxŭçax. ²¹Rŭ tama nŭxŭ chaxoxchaŭ i ngēma mexŭ ga Tupana taxçax ŭxŭ ga yexguma nayŭxgu ga Cristu. Yerŭ yexguma chi yema mugŭgu ixŭxŭgagu Tupanapexewa imexgu, rŭ natŭçaxmamare chi nixŭ ga na nayuxŭ ga Cristu.

Ñuxma rŭ tama ngēma mugŭgu taxŭ erŭ marŭ Cristuaxŭ tayaxōgŭ

3 ¹Pa Chaueneēgŭ i Gárataanecŭāx, pema rŭ pengēāēgŭmare. Rŭ yexguma petanŭwa tayexmagŭgu rŭ meāma guxāpexewa pemaā nŭxŭ tixu rŭ pexçax tanangoxēē na ñuxācŭ curuchagu taxçax nayuxŭ ga Ngechuchu ya Cristu. ¿Rŭ texé pexŭ tawomŭxēē i ñuxma na tama naga pexŭnŭxŭçax i ngēma ore i aixcŭma ixŭxŭ ga pemaā nŭxŭ tixuxŭ? ²Rŭ wŭxi i oreçax pexna chaca, rŭ ¿ñuxācŭ yŭxŭ ga penayaxuxŭ ga Tupanaāē i Üünexŭ? ¿Exna pexçax rŭ yema mugŭ na pinguxēēgŭxŭgagu yŭxŭ ga penayaxuxŭ, rŭ exna ngēma ore i mexŭ ga nŭxŭ pexŭnŭxŭ rŭ pixōgŭxŭgagu yŭxŭ? ³Pema rŭ pengēāēgŭmare rŭ poraācŭ ípetŭe. Noxri rŭ Cristuaxŭ peyaxōgŭ yerŭ Tupanaāē i Üünexŭ pewa napuracŭ. ¿Rŭ ñuxma rŭ ñuxācŭ i naga perŭxŭnŭxŭ na pexrŭtama poramaā peyanguxēēxŭ i ngēma puracŭ i Tupanaāē i Üünexŭ pewa ixŭgŭxŭ? ⁴Pema rŭ poraācŭ

Tupana pexũ narüngũxẽẽ. Rũ chierũ tama natũcaxmamare yixĩgu ga yema, erũ taxucũruwa natũcaxmamare nixĩ. ⁵Rũ yexguma Tupana pexna namuxgu ga Naãẽ i Üünexũ rũ petanũwa naxũagu ga taxũ ga mexũgũ ga norũ poramaã naxũxũ, rũ ðtũxcũũ yĩxũ ga naxũaxũ ga yema? ¿Pexcax rũ mugũ na pinguxẽẽxũgagu yĩxũ ga Tupana naxũxũ ga yema? Tama yemacax nixĩ. Tupana rũ petanũwa nanaxũ ga yema taxũ ga mexũgũ ga norũ poramaã naxũxũ, rũ pexna nanamu ga Naãẽ i Üünexũ, yerũ nüxũ pexĩnũẽ ga ore i mexũ, rũ Cristuaxũ peyaxõgũ. ⁶Rũ dũcax, pemaã nüxũ chixu rũ name nixĩ i nuxcũmaũcũ ga torũ oxĩ ga Abráũrũũ pixĩgũ. Yerũ Abráũ rũ Tupanaãxũ nayaxõ, rũ yemacax Tupana nüxũ nadau ga na namexũ. ⁷Rũ ngẽmawa nüxũ pedau rũ ngẽma duũxũgũ i Tupanaãxũ yaxõgũxũ nixĩ i aixcũma Abráũtanũxũ ixĩgũxũ i Tupanapexewa. ⁸Rũ Tupanaãrũ ore i ñmatũxũwa rũ nüxũ nixu na ñuxãcũ Tupanapexewa tá na yamexũ i ngẽma duũxũgũ i yaxõgũxũ i woo tama Yudũgũ ixĩgũxũ. Rũ yemaãcũ nüxũ nixu naxũpa ga na nangupetũxũ. Yerũ Tupana rũ nuxcũmamatama Abráũmaã nüxũ nixu ga ñãã ore i mexũ i ñaxũ:

“Rũ cugagu tá nüxũ charüngũxẽẽ i guxũma i nachĩũãnecũãx i duũxũgũ”,

ñaxũ. Rũ nüxũ tacuax rũ Cristu rũ Abráũta na yĩxũ. ⁹Rũ ngẽmacax i ñuxma rũ Tupana nanayaxu i guxũma i duũxũgũ i yaxõgũxũ, yexgumarũũ ga Abráũ ga yaxõcũxũ na nayaxuxũrũũ.

¹⁰Natũrũ chixexũwa nangẽxmagũ i

guxũma i ngẽma duũxũgũ i nagu rũxĩnũẽxũ na mugũ yanguxẽẽgũxũgagu Tupanapexewa yamexũ. Erũ Tupanaãrũ ore i ñmatũxũwa rũ ñanagũrũ:

“Rũ guxũma i duũxũgũ i tama aixcũma yanguxẽẽgũxũ i guxũma i ngẽma mugũ i ñmatũxũ, rũ chixexũwa nangẽxmagũ”,

ñanagũrũ. Erũ nüxũ tacuaxgũ na taxucũruwama aixcũma texẽ yanguxẽẽxũ i guxũma i ngẽma mugũ.

¹¹Rũ ngẽmaãcũ meãma nangõx na tama ngẽma mugũ tinguxẽẽxũcax yĩxũ na texẽ Tupanapexewa mexũ. Erũ Tupanaãrũ ore i ñmatũxũwa rũ ñanagũrũ:

“Rũ yĩxema tũmaãrũ õgagu Tupanapexewa mexẽ, rũ yĩxema tá tixĩ ya aixcũma tũxũ nangẽxmaxẽ i maxũ i taguma gũxũ”,

ñanagũrũ. ¹²Natũrũ ngẽxguma nagu rũxĩnũẽgu na mugũ inguxẽẽxũcax yĩxũ na Tupanapexewa imexũ, rũ taxucax chima tũxcũũ tayaxõgũ. Erũ Tupanaãrũ orewa rũ ngẽmachiga naxũmatũ, rũ ñanagũrũ:

“Rũ yĩxema aixcũma meãma yanguxẽẽxẽ i guxũma i mugũ, rũ ngẽmagagu tá tũxũ nangẽxma i tũmaãrũ maxũ”,

ñanagũrũ. Natũrũ ngẽma mugũ rũ dũxwa chixexũwa tũxũ naga erũ taxucũruwama texẽ aixcũma meã tayanguxẽẽ. ¹³Natũrũ ga Cristu rũ nawa tũxũ ínanguxũxẽẽ ga yema mugũ ga chixexũwa tũxũ yexmagũxẽẽxũ. Rũ taxcax nixĩ ga chixexũwa nayexmaxũ ga yexguma curuchagu nayuxgu. Erũ

Tupanaārū ore i ūmatixūwa, rü
ñanagürü:

“Rü guxāma ya yíxema wūxi i
naíwa tūxū natuxēēgūācūma
yúxe, rü chixexūwa tangēxma”,
ñanagürü. ¹⁴Rü yemaācü curuchagu
nayu ga Ngechuchu ya Cristu na nūxū
nangūxēēxūcax i guxūma i ngēma
duūxūgū i tama Yudūfugū ixīgūxū, yema
Tupana Abráūmaā ixunetaxūrū. Rü
taxcax rü ta nayu ga Cristu na yíxema
rü ta nūxū yaxōgūxūcax rü
nayauxgūxūcax i Tupanaāē i Ūünexū i
tamaā inaxunetaxū.

**Tupanaārū uneta rü ngēma
mugüarū yexera name**

¹⁵Pa Chaueneēgūx, ñuxma rü tá pemaā
nūxū chixu i wūxi i cuāxruū na ñuxācü
duūxūgū tacū nügūmaā mexēēxū. Rü
dūcax, ngēxguma chi wūxi ya yatū rü
texémaā tacū namexēēgu rü wūxi i
popperagu meā naxūmatūāgu i ngēma, rü
taxucürüwa texē itayanaxoxēē rü exna
tanaxūchicūü i ngēma namexēēxū. ¹⁶Rü
dūcax, rü yexgumarūūtama nixī ga
nangupetūxū ga yexguma Tupana rü
Abráūmaā rü Abráūtaamaā inaxunetagu.
Rü Tupanaārū ore i ūmatixūwa rü tama
“Abráūtaagi” ñanagürü, yerü tama
muxūma ga duūxūgūchiga nidexa. Natürü
yema ore rü “Abráūtaa” ñanagürūmare,
yerü wūxitama ga duūxūchiga nixī ga
yadexaxū. Rü yema rü Cristuchiga nixī.
¹⁷Rü ngēmaācü pemaā chanangoxēē na
Tupana rü Abráūmaā namexēēāxū rü
namaā inaxunetaxū na Cristugagu tá yīxū
i duūxūgūxū nangūxēēxū. Rü ngēmacax i
ñuxma rü yema Moiché ūmatixū ga mugü
ga 430 ga taunecü yema unetawena

ínguxū, rü taxucürüwama inayanaxoxēē
ga yema Tupanaārū uneta ga nūxīra
Abráūmaā nūxū yaxuxū. Rü ngēmacax i
ñuxma rü ta napora i ngēma uneta. ¹⁸Rü
ngēxguma chi mugü ínguxēēgūxūgagu
yixūga na Tupana tūxū rüngūxēēxū, rü
natūcaxmamare chi nixī ga yema
Tupanaārū uneta ga nūxīra Abráūmaā
nūxū yaxuxū. Natürü aixcūma nixī na
ngetanūācūma Abráūxū nangūxēēxū ga
Tupana, yerü yemaācü marü namaā
inaxuneta. ¹⁹Rü ñuxma rü ítacūwa
namexū ga yema mugü ga Moiché
ūmatixū? Rü dūcax, Tupana rü marü
Abráūmaā inaxunetaguwena nixī ga
duūxūgūna naxāāxū ga yema mugü, na
yemaācü duūxūgūxū nūxū nadauxēēxūcax
na ñuxācü poraācü pecadu naxūexū. Rü
yemaācü nixī ñuxmata ínangu ga guma
Abráūtaa ya Cristu. Rü gumachiga nixī ga
Abráūmaā inaxunetaxū ga Tupana ga
noxrix. Rü yexguma ínanguxgu ga yema
mugü, rü Tupana rü daxūcūāx ga norü
orearü ngeruūgūmaāxīra nūxū nixu. Rü
yemagü nixī ga nūxī Moichémaā nūxū
ixugūxū, rü nūma ga Moiché rü
duūxūgūmaā nūxū nixu. ²⁰Natürü
yexguma Tupana Abráūmaā ixunetagu, rü
nūmaxūchima ga Tupana nixī ga
Abráūmaā nūxū yaxuxū ga yema norü
uneta. Rü tama togūmaāxīra nūxū nixu na
yemagü nūxī Abráūmaā nūxū
ixugūexūcax.

**Tacūcax duūxūgūna nanaxā ga
Tupana ga yema mugü**

²¹¿Rü ñuxū ñapegūxū i ñuxmax?
¿Pexcax exna rü yema Moiché ūmatixū
ga mugü rü inayanaxoxēē i Tupanaārū
unetagi? Rü dūcax, tama ngēmaācü

nixĩ. Yerũ yexguma chi naporagu ga yema mugũ na tũxna naxããxũ i maxũ i taguma gũxũ, rũ chi Tupanapexewa time i ngẽxguma meãma yanguxẽẽgu. ²²Natũrũ tama ngẽmaãcũ nixĩ. Erũ Tupanaãrũ ore i ùmatũxũwa nũxũ tatau na guxũma i duũxũgũ rũ pecadutũũwa nangẽxmagũxũ. Rũ ngẽmacax i ñuxma rũ yĩxema Ngechuchu ya Cristuaxũ yaxõgũxexicatama tixĩ ya nayauxgũxe i ngẽma maxũ i aixcũma mexũ i Tupana tamaã ixunetaxũ. ²³Rũ yexguma tauta ñnanguxgu ga Cristu na nũxũ yaxõgũxũcax, rũ mugũtũũwa tayexmagũ rũ tamaã inacuax. Rũ yemaãcũ tixĩgũ rũ ñuxmata Tupana taxcax nangoxẽẽ ga Ngechuchu ya Cristu na nũxũ yaxõgũxũcax. ²⁴Rũ yemaãcũ ga yema mugũ rũ tamaã inacuax ñuxmata Cristuxũtawata tũxũ nagagũ na nũxũ yaxõgũxũcax rũ ngẽmaãcũ Tupanapexewa imexũcax. ²⁵Natũrũ i ñuxma na marũ nũma nanguxũ ya Cristu na nũxũ yaxõgũxũcax, rũ marũ tama ngẽma mugũtũũwa tangẽxmagũ. Rũ ñuxma rũ marũ taxucaxma tũxcũũ tamaã inacuax i ngẽma mugũ. ²⁶Rũ ñuxma na Ngechuchu ya Cristuaxũ peyaxõgũxũ, rũ Tupanaxãcũgũ pixĩgũ i guxãma i pemax. ²⁷Rũ ñuxma na Cristuégagu ípebaiũxũ, rũ Cristuarũ pixĩgũ rũ nũma rũ pemaã inacuax na naxrũũ pixĩgũxũcax. ²⁸Rũ ñuxma rũ Tupanapexewa rũ nüétama nixĩ ega woo Yudfũgũ pixĩgũgu rũ exna tama. Rũ nüétama ega woo wũxi i coriarũ duũxũgũ pixĩgũgu rũ exna taxúxearũ duũxũgũ pixĩgũgu. Rũ nüétama ega woo piyatũgu rũ exna pingexgu. Erũ ñuxma na Ngechuchu ya

Cristuarũ duũxũgũ na pixĩgũxũ, rũ wũxitama i duũxũ pixĩgũ i guxãma i pemax. ²⁹Rũ ñuxma na Cristuarũ pixĩgũxũ, rũ ngẽmacax waxi nixĩ na aixcũma Abráũtaagũ pixĩgũxũ. Rũ ngẽmacax i pema rũ tá ta penayaxu i guxũma ga yema Abráũmaã inaxunetaxũ ga Tupana.

4 ¹Rũ ñuxma rũ tá pemaã chanangoxẽẽ i ngẽma marũ pemaã nũxũ chixuxũ. Rũ dũcax, ngẽxguma wũxi i buxũ yunatũgu, rũ ngẽma buxũ rũ tama ngẽxgumatama nanayaxu i nanatũarũ ngẽmaxũgũ. Rũ woo guxũma i nanatũarũ ngẽmaxũãrũ yora yixĩgu, natũrũ ngẽxũrũxũ i nanatũarũ puracũtanũxũrũũmare nixĩ ñuxmata nayax. ²Rũ ngẽmacax nangẽxma i ngẽma buxũãrũ dauruũ i namaã icuáxũ rũ nũxũ nũxna dauxũ i ngẽma nanatũarũ ngẽmaxũgũ ñuxmata nawa nangu ya yima taunecũ ya noxri nanatũ nagu unetacũ na ngẽma buxũ rũ nũgũmaã inacuáxũcax. ³Rũ yexgumarũũ nixĩ ga tamaã nangupetũxũ ga noxrix. Yerũ yexguma tauta Cristuxũ icuaxgu, rũ natũũwa tayexmagũ ga yema naãẽgũ i chixexũgũ i ñoma i naãnemaã icuaxgũxũ. ⁴Natũrũ yexguma nawa nanguxgu ga yema ngunexũ ga inaxunetaxũ ga Tupana, rũ nũma nanamu ga Nane. Rũ duũxũgũrũũ wũxi ga ngewa nabu ga guma Nane. Rũ yema Moĩché ùmatũxũ ga mugũtũũwa nayexma ga yexguma nabuxgu. ⁵Rũ yemaãcũ nũma nangu ga Tupana Nane na tũxũ ñnanguxũxẽẽxũcax i guxãma i yixema ga noxri mugũtũũwa na iyexmagũxũ. Rũ yemaãcũ tũxũ narũngũxẽẽ ga Tupana Nane na Tupana

tixũ yaxuxũcax na aixcũma
 naxãcũgũxũchi ixĩgũxũ. ⁶Rũ Tupana
 pexna nanamu ga Naãe i Üünexũ na
 pexũ nüxũ nadauxẽẽxũcax na aixcũma
 naxãcũgũxũchi pixĩgũxũ. Rũ ngẽmacax i
 ñuxma rũ marũ name i “Pa Chaunatũx”,
 ñaperũgũ nüxũ ya Tupana. ⁷Rũ
 ngẽmacax i ñuxma rũ Tupanaxãcũxũchi
 quixĩ, rũ tama wũxi i norũ duũxũmare
 quixĩ. Rũ ñuxma na naxãcũxũchi quiĩxũ,
 rũ norũ ngũchaũ nixĩ na cuxna naxããxũ
 i guxũma i tacũ i noxřũ ixĩxũ.

Pauru rũ yema yaxõgũxũcax naxoegaãe

⁸Rũ ũpa ga yexguma tauta Tupanaxũ
 pecuaxgu, rũ perũ tupanenetagũtũũwa
 peyexmagũ rũ nüxũ picuaxũũgũ ga yema
 tama aixcũma Tupana ixĩgũxũ. ⁹Natĩrũ i
 ñuxma na Tupanaxũ pecuaxũ rũ nüma rũ
 na pexũ nacuaxũ, rũ łtũxũcũũ wena naxcax
 pewoeguchaũ i ngẽma naãẽgũ i chixexũgũ
 i ñoma i naãnemaã icuaxgũxũ? łRũ
 tũxũcũũ penaxwaxe na wena natũũwa pegũ
 pengẽmagũxũẽẽxũ i ngẽma naãẽgũ i tama
 aixcũma poraexũ i natũcaxmamare
 ixĩgũxũ? ¹⁰Rũ dũcax i pemax, rũ ñuxma rũ
 ta ngẽma nuxcũmaũgũxũ i
 Yudfugũcũmagu pexĩama woo Cristuaxũ
 na peyaxõgũxũ. Erũ penaxaure i ñuxre i
 ngunexũgũ rũ ñuxre ya tauemacũgũ rũ
 ñuxre ya taunecũgũ rũ ñuxre i petagũ, erũ
 nagu perũxĩnũe na ngẽmaãcũ
 Tupanaxewewa tá pimexũ. ¹¹Rũ ngẽmacax
 poraãcũ chaxoegaãe, erũ ngĩrũãchi
 natũcaxmamare tá nixĩ ga yema puracũ ga
 petanũwa chaxũxũ. ¹²Pa Chaueneẽgũx,
 pexũ chacaxũ na chauxrũũ nüxũ
 perũxoexũ na nagu pexĩxũ i ngẽma
 Yudfugĩarũ mugũ. Erũ ñuxma na Cristuwe
 charũxũxũ rũ marũ nüxũ charũxo na nagu

chixũxũ ga yema mugũ ga ũpa tama nagu
 pexĩxũ. Rũ dũcax, yexguma noxřĩ
 petanũwa chayexmagu rũ tama choxũ
 pexo, rũ ngẽmacax chanaxwaxe i ñuxma
 rũ ta chauga pexĩnũe. ¹³Rũ pema rũ marũ
 nüxũ pecuax rũ yexguma noxřĩ pemaã
 nüxũ chixuxgu ga Tupanaãrũ ore i mexũ,
 rũ yema na chĩdaawexũgagu nixĩ ga
 petanũgu charũxãũxũ rũ pemaã nüxũ
 chixuxũ ga Tupanaãrũ ore. ¹⁴Rũ yema
 ãawe ga choxũ yexmaxũ, rũ woo pexcax
 rũ wũxi ga waxtũmũ nixĩ, natĩrũ tama
 choxũ pexo rũ tama choxũ ípetaxũchi.
 Natĩrũ meãma choxũ peyaxgũ ñoma
 wũxi ga Tupanaãrũ orearũ ngerũĩ i
 daxũcũãx chĩxũrũũ. Rũ ñoma Ngechuchu
 ya Cristu chĩxũrũũ, meãma choxũ
 peyaxgũ. ¹⁵łNatĩrũ tacũ exna nangupetũ
 namaã ga yema perũ taãe ga noxřĩ pexũ
 yexmaxũ? Erũ pemaã nüxũ chixu rũ noxřĩ
 petanũwa chayexmagu rũ poraãcũ chomaã
 petaãẽgũ. Rũ yexguma chi pexũ
 natauxchagu, rũ pemaã nanguxũgu, rũ chi
 pexetũ peyaxu na choxna penaxãxũcax,
 yerũ yemaãcũ poraãcũ chomaã petaãẽgũ
 ga yexguma. ¹⁶łNatĩrũ tacũ pexũ
 naxũpetũ i ñuxmax? łPexcax rũ exna perũ
 uwanũ chixĩ yerũ pemaã nüxũ chixu ga
 Tupanaãrũ ore i aixcũma ixĩxũ? ¹⁷Rũ
 ngẽma duũxũgũ i pexũ ngũexẽẽxũ na
 Yudfugũcũmagu na pexĩxũcax, rũ pegu
 narũxĩnũeneta, tama aixcũma tacũ rũ
 mexũcax nadaugũ. Erũ nũmagũ rũ toxna
 pexũ nixĩgachixẽẽchaũ na ngẽmaãcũ naga
 pexĩnũẽxũcax. ¹⁸Rũ ngẽma togũ rũ marũ
 name na pegu naxĩnũẽxũ, natĩrũ
 nanaxwaxe na perũ mexũcax nadaugũxũ i
 guxũguma. Rũ tama name na petanũwa
 changẽmaguxicatama perũ mexũcax na
 nadaugũxũ i ngẽma togũ. ¹⁹Pa

Chauxacügüx, wenaxãrũ ñoma wixi i
 mama ngĩãcũmaã nguxnecacũrũũ
 poraãcũ pexcax ngũxũ chinge na aixcũma
 meã Cristuaxũ peyaxõgũxũcax rũ aixcũma
 naxcax na pemaxẽxũcax. Rũ ngẽmaãcũ tá
 chixĩ ñuxmatáta Cristu naxwaxexũrũũ
 pixĩgũ i perũ maxũwa. ²⁰Rũ chierũ
 ñuxmatama pexũtawa changẽxmagu na
 pemaã chidexaxũchixũcax, rũ tama
 ñuxmarũũ pexcax
 chanaxũmatũmarexũcax. Erũ ñuxma rũ
 tama nũxũ chacuax na tacũgu pemaã
 charũñĩnũũ.

**Ore i cuaxruũ i Abrãũxũtaxũ ga Agáchiga
 rũ namaxũchi ga Charachiga**

²¹Rũ pema na ngẽma Moiché
 ñmatũxũ i mugũtũũwa pegũ
 pengẽxmagũxẽẽchaũxũ, rũ chanaxwaxe
 i chomaã nũxũ pixu ngoxi aixcũma
 nũxũ pecuá na ñuxũ ñaxũ i ngẽma
 mugũ. ²²Erũ ngẽma mugũwa nũxũ
 tadau rũ Abrãũ rũ nũxũ nayexma ga
 taxre ga nane. Rũ wũxi ga nane rũ
 naxũtaxũ ga Agáwa nũxũ nayexma, rũ
 naĩ ga nane rũ namaxũchi ga Charawa
 nũxũ nayexma. ²³Rũ guma nane ga
 naxũtaxũwa nũxũ yexmacũ, rũ nabu
 yerũ yema nixĩ ga norũ ngũchaũ ga
 Abrãũ. Natũrũ guma nane ga
 namaxũchiwa nũxũ yexmacũ, rũ nabu
 yerũ yemaãcũ inaxuneta ga Tupana.
²⁴⁻²⁵Rũ pemaã nũxũ chixu i ngẽma ore
 erũ ngẽmawa nangẽxma i tacũ i
 aixcũma ixĩxũ i pexcax
 changõxẽẽchaũxũ. Rũ yema taxre ga
 ngexũgũ rũ taxre i cuaxruũgũ nixĩgũ na
 ngẽmawa nũxũ icuáxũcax na ñuxãcũ
 Tupana duũxũgũxũ rũngũxẽẽxũ na
 naxũtawa nangugũxũcax. Rũ yema

nũxĩraũxũ ga norũ ngũxẽẽ nixĩ ga
 yexguma Chinaĩãrũ maxpũnewa
 Moichéna naxããgu ga norũ mugũ na
 naga naxĩnũxũcax ga duũxũgũ. Rũ
 yema mugũ ga Moichéna naxãxũ ga
 Chinaĩwa rũ Agá iyixĩ ga norũ cuaxruũ.
 Rũ yema nge ga Agá rũ naxũtaxũ iyixĩ
 ga Abrãũ rũ yemacax ga ngĩxãcũgũ rũ
 ngĩxruũtama togũtũũwa nayexmagũ rũ
 tama ínanguxũ. Rũ yemaãcũ ga yema
 nge rũ wũxi i cuaxruũ iyixĩ nachiga i
 ngẽma Yudfũgũ i ñuxma maxẽxũ rũ
 ngẽma mugũwe rũxĩxũ. Erũ nũmagũ rũ
 ñuxma rũ ta natũũwa nangẽxmagũ i
 ngẽma mugũ ga Moiché yaxuxũ ga
 maxpũne ga Chinaĩ ya Arábíaanewa
 ngẽxmanewa. Rũ ñuxma rũ ta ngẽma
 mugũgu naxĩ rũ tama nũxũ narũxoe.
²⁶⁻²⁸Natũrũ yema nge ga Abrãũ
 namaxũchi rũ tama Agáruũ iyixĩ. Rũ
 ngĩne ga Ichaã rũ nabu yerũ Tupanaãxũ
 nayaxõ ga Abrãũ ga yexguma Tupana
 namaã nũxũ ixuxgu rũ tá na nũxũ
 nayexmaxũ ga wũxi ga nane. Rũ ñuxma
 Pa Chaueneẽgũx, yixema rũ ta tayaxõ i
 ngẽma Tupana tamaã ixunetaxũ. Rũ
 ngẽmacax i ñuxma rũ tama ngẽma
 nuxcũmaũgũxũ i mugũtũũwa
 tangẽxmagũ. Rũ ngẽmaãcũ Abrãũ
 namaxũchixacũgũrũ tixĩgũ. Rũ
 ngẽmaãcũ nũxũ tadau na aixcũma
 Tupana yanguxẽẽxũ i norũ ore ga Abrãũ
 namaxũchichiga ñmatũxũ i ñaxũ:

“iNataãẽ, Pa Ngecũ i Ngexacũcũ!

iRũ curũ taãẽmaã rũxáixnaxũ
 woo tagumachirẽx na
 cuxãxãcũxũ! Erũ tá cuxãxãcũ,
 rũ ngẽma ngexũ i cuxũtaxũ i
 cuteaxũ ãxãcũxũãrũ yexera tá
 cuxũ nangẽxma i cuxacũgũ”,

ñaxũ. ²⁹Natürü guma Abráũ nane ga naxũtaxũwa nüxũ yexmacü, rü chixri namaxũ namaã ga guma Abráũ nane ga Tupanaãrũ unetagagu bucü. Rü ngëxgumarüũ ta i ñuxma rü yixema i Tupanaãe i Üünexũgagu tüxũ na nangëxmaxũ i maxũ, rü chixri tamaã nachopetü i ngëma Yudũgü i naxwaxegüxũ na nagu ixĩxũ i ngëma mugü ga Moĩché ümatüxũ. ³⁰¿Natürü ñuxũ ñaxũ i Tupanaãrũ ore i ümatüxũwa? Rü dücax, ngëmawa Abráũmaã nüxũ nixu ga na ngĩxũ ínátaxũcax ga naxũtaxũ ngĩnemaã, yerü taxucürüwama yema ngĩnemaã nayayauxye ga norü yemaxũ ga namaxwaxũchixũcü ga naneãrũ tá ixĩxũ. ³¹Rü ngëmaãcü, Pa Chaueneëgüx, rü nüxũ tadau rü tama Abráũ naxũtaxũcãcügürüũ tixĩgü, erü tama ngëma mugütüũwa tangëxmagü. Natürü Abráũ namaxũchixacügürüũ tixĩgü, erü Tupanaãrũ unetagagu tüxũ nangëxma i tórü maxũ.

Meã pegüna pedaügü na tama wena ngëma mugütüũwa pengëxmagüxũcax

5 ¹Rü ñuxma ya Cristu rü marü tüxũ ínanguxũxëe na tama ngëma mugütüũwa ingëxmagüxũcax. Rü ngëmacax name nixĩ i pegüna pedaügü na tama wena natüũwa pegü pengëxmagüxëxũcax i ngëma mugü. ²iRü choxũ iperüxĩnĩe! Rü choma i Pauru rü pemaã nüxũ chixu, rü ngëxguma chi nagu pexĩgu na pegü ípewiechaxmüpexechiraũxũ na ngëmaãcü penayaxuxũcax i perü maxũ, rü ngëxguma ya Cristu rü chi taxuwama pexũ name. ³Rü wena pemaã nüxũ chixu rü ngëxũrũ i

yatü i nügü íwiechaxmüpexechiraũchaũxũ na ngëmaãcü Tupanapexewa namexũcax, rü name nixĩ i nüxna nacuxãchi na taxucürüwa ngëmaãcü na nayauxãxũ i norü maxũ ega tama aixcuma naga naxĩnũgu i guxũma i togü i mugü. ⁴Rü guxãma i pema i nagu rüxĩnũxëe na Tupanapexewa pimexũ ega nagu pexĩgu i ngëma mugü, rü pemaã nüxũ chixu rü marü Cristuna pixĩgachi i ngëxgumax. Rü ngëxgumarüũ ta pegü nüxna peyaxũxëe i ngëma ngechaũ ga noxri Tupana namaã pexũ ngechaũxũ. ⁵Natürü Tupanaãe i Üünexũ nixĩ i tüxũ rüngũxëxũ na yaxögüxũcax. Rü ngëmacax nixĩ i ínanguxëxũ na Cristugagu Tupanapexewa imexũ. ⁶Rü ngëmacax i ñuxma na Ngechuchu ya Cristuari duũxũgü ixĩgüxũ, rü nüétama nixĩ ega woo íwiechaxmüpexechiraũgu rü exna tama, erü tama ngëma nixĩ i Tupanapexewa tüxũ mexëxũ. Rü ngëma Tupana naxwaxexũ i ñuxma nixĩ na aixcuma yaxögüxũ rü ngëmaãcü yigü na ingechaũgüxũ. ⁷Pema rü meãma ipenaxigü na Cristuwe perüxĩxũ. ¿Rü texë exna pexũ nüxũ taxoox na tama naga pexĩnũëmaxũcax i norü ore i aixcuma ixĩxũ? ⁸Rü pemaã nüxũ chixu, rü tama Tupana ga noxri pexcax cãcü nixĩ ya yima pexũ nüxũ oócü. ⁹Rü name nixĩ i nüxna pecuxãchie rü wüxitama i duũxũ i chixexũ üxũ, rü nanachixexëe i guxũma i togü i natanüxũgü, ñoma wüxi i íraxũ i pãũãrũ puxëeruü rü wüxi i taxũ i pãũchara ipuxëxũrũ. ¹⁰Choma rü chayaxõ na tórü Cori tá pexũ rüngũxëxũ na choma nagu charüxĩnũxũrũ nagu perüxĩnũxũcax. Natürü Tupana tá nanapoxcu i ngëma duũxũ i pexũ chixexëxëxũ, rü nüétama nixĩ ega woo texë tixĩgu. ¹¹Rü nümaxũ i

duũxũgũ rü chauchiga nidexagũ, rü nüxũ
 nixugũe na choma rü duũxũgũxũ
 changúexẽẽxũ na nügũ
 ínawũchaxmũpexechiraũxũcax rü mugũ
 na yanguxẽẽgũxũcax na ngẽmaãcü nüxũ
 nangẽxmaxũcax i maxũ i taguma gúxũ.
 Natürü, Pa Chaueneẽgũx, rü ngẽxguma chi
 ngẽmaãcü duũxũgũxũ changúexẽẽgu, rü
 tãũ chima chowe ningẽxũtanũ i Yudfugũ,
 erũ tãũ chima naãewa nangux i ngẽma ore
 i nüxũ chixuxũ nachiga ya Cristu ga
 curuchagu taxcax yucũ. ¹²Natürü ngẽma
 duũxũgũ i pexũ chixeãẽgũxũ rü pexũ
 ucuxẽgũxũ na pegũ
 ípewũchaxmũpexechiraũxũcax, rü
 çtũxcũũ exna i nümagũ i tãũ noxtacũma
 nügũ yacaugũpũxũcharexegũxũ ta?
¹³Natürü pemax, Pa Chaueneẽgũx, rü
 Tupana pexcax naca na ngẽma mugũna
 ípenguxũxũcax. Natürü ñuxma na nüxna
 ípenguxũxũ, rü tama name i ngẽmacax
 pexeneãrũ ngúchaũ pexũgũ. Natürü name
 nixĩ na pegũ pengechaũgũxũ rü ngẽmaãcü
 pegũ perũngũxẽẽgũxũ i wũxichigũ. ¹⁴Erũ
 guxũma i Tupanaãrũ mugũ rü wũxi i
 muwatama nangox rü ñanagũrũ:

“iRü nüxũ nangechaũ i cumücü na
 cugũtama cungechaũxũrũ!”
 ñanagũrũ. ¹⁵Natürü name nixĩ i pexuãẽgũ
 erũ ngẽxguma chi pegũmaã penuẽgu rü
 pegũchi pexaiegu, rü ngũrũãchi tá pegũ
 pewoone rü tá ipeyanaxoxẽẽ i Tupanaãrũ
 ore i pewa ngẽxmaxũ.

**Ngẽma taxũneãrũ ngúchaũ rü
 tama Tupanaãẽ i Üünexũãrũ
 ngúchaũmaã nawũxigu**

¹⁶Pemaã nüxũ chixu, rü name nixĩ i
 Tupanaãẽ i Üünexũ naxwaxexũãcũma
 pemaxẽ. Rũ ngẽxguma ngẽmaãcü

pemaxẽgu, rü tãũtama pexeneãrũ
 ngúchaũ pexũgũ. ¹⁷Erũ ngẽma
 taxũneãrũ ngúchaũ rü tama Tupanaãẽ i
 Üünexũãrũ ngúchaũmaã nawũxigu. Rũ
 ngẽma Tupanaãxẽ i Üünexũãrũ ngúchaũ
 rü tama taxũneãrũ ngúchaũmaã
 nawũxigu. Erũ ngẽma taxre i
 ngúchaũgũ, rü nügũchi naxaie erũ
 wũxichigũ i ngẽma rü tamaã
 inacuáxchaũ. Rũ ngẽmacax i pema rü
 taxucũrũwa penaxũ i ngẽma pematama
 penaxwaxexũ. ¹⁸Natürü ngẽxguma
 Tupanaãẽ i Üünexũ pemaã icuaxgux, rü
 marũ tama ngẽma nuxcũmaũgũxũ i
 mugũtũũwa pengẽxmagũ. ¹⁹Rũ meãma
 nangox na ñuxãcü namaxẽxũ i ngẽma
 duũxũgũ i naxũneãrũ ngúchaũ ügũxũ,
 rü naĩ i ngemaã maxẽxũ, rü
 airugũrũũmare ixĩgũxũ. Rũ tama
 naxãnee na çacũ rü chixexũ naxũgũxũ.
²⁰Rũ tupananetachicũnaçagũxũ
 nicuaxũũgũ, rü nayuũe rü
 nangóçwaxegũ, rü aigu narũxĩnũẽ, rü
 nachoxũgawaxegũ, rü togũchi naxaie
 norũ ngẽmaxũgũcax, rü nanuxwaxegũ,
 rü duũxũgũxũ naxucuxẽgũ na to i
 nguxẽẽtaegu naxĩxũcax, rü ngẽmaãcü
 nayatoye i duũxũgũ na tama wũxigu
 naxĩnũẽxũcax. ²¹Rũ togũarũ
 ngẽmaxũgũcax nixãũxachigũ, rü
 nangãxẽwaxegũ, rü peta naxũgũecha, rü
 nanaxũgũ i muxũma i togũ i chixexũgũ i
 ngẽxgumarũĩ ixĩxũ. Rũ ngẽmacax,
 wena pemaã nüxũ chixu rü guxũma i
 ngẽma duũxũgũ i ngẽmaãcü maxẽxũ, rü
 nataxutama i nachica i ngextã Tupana
 aẽxgacũ íyĩxũwa. ²²Natürü ngẽxguma
 Tupanaãẽ i Üünexũ tamaã icuaxgu, rü
 nüma nixĩ i tũxũ nangũxẽẽxũ na yigũ
 ingechaũgũxũcax, rü itaãẽgũxũcax, rü

meã yigümaã imaxëxüçax, rü yaxna namaã ixñüëxüçax i togü, rü togümaã imecümagüxüçax, rü togüxü rüngüëëgüxüçax, rü aixcuma yanguxëëxüçax i ngëma nüxü ixuxü. ²³Rü ngëxgumarüü ta Naãe i Üünexü tüxü narüngüxëë na tama chixexümaã nataeguxëëxüçax ega togü chixexü tamaã üxgux. Rü tüxü narüngüxëë na meãma yigünatama idauxüçax na tama chixexügu iyixüçax. Rü nataxuma i mugü i nachuxuxü na naxüxü i ngëma mexügü. ²⁴Rü ngëma duüxügü i aixcuma Ngechuchu ya Cristuarü duüxügü ixigüxü, rü marü nüxü narüxoe ga yema nuxcumaüxü ga norü maxü ga chixexü, rü yema naxüneärü ngüchaügü ga chixexü, rü guxüma ga tacü ga to ga ngüchaü ga tama mexü. ²⁵Rü ñuxma na Tupanaãe i Üünexü tüxna naxäxü i tóru maxü, rü name nixi i nüma tóru maxümaã na inacuáxü. ²⁶Rü tama name i yigü ítarüta rü togümaã tanuãe, rü bai na tacüçax ixäüxächixü.

Name nixi i guxäma i pema rü pegü perüngüxëëgü i wüxichigü

6 ¹Pa Chaueneëgüx, ngëxguma chi texëxü pedaxu na tacü rü chixexügu tanguxü, rü pema na Tupanaãe i Üünexü naxwaxexüãcuma na pemaxëxü, rü name nixi i tüxü pengechaüãcuma tüxü perüngüxëë na itayaruwexächixüçax. iNatürü pexuäëgü i wüxichigü, na tama pema rü ta nagu peyixüçax i ngëma chixexü! ²iRü pegü perüngüxëëgü i ngëxguma texé petaniwa guxchaxügü tüxü ngëxmagu! Erü ngëxguma ngëmaäcü pegü perüngüxëëgu, rü ngëmaäcü tá peyanguxëë i ngëma Cristu pexü muxü.

³Rü ngëxguma texé nagu rüxñügu na wüxi i tacü tixixü, rü tügütama tawomüxëë, erü Tupanapexewa rü taxuümachirex tixi. ⁴Rü ngëmacax i wüxichigü, rü name nixi i tügüarü maxütama tangugü. Rü ngëxguma namexgu i tümaärü maxü, rü tügümaã tátama tataãe, rü nataxuma i tüxçüü togüarü maxüwa tügü tangugüarü maxüäx. ⁵Erü tanaxwaxe i wüxichigü na tümaärü maxünatama tadauxü i Tupanapexewa. ⁶Rü yíxema nayaxuxe i nguxëëtae i Tupanaärü orewa rü tanaxwaxe na tümaärü nguxëëruümaã tangauxü i nagüxüraüxü i tümaärü ngëmaxügü. ⁷iRü pexuäëgü na tama ípetüexüçax i perü maxüwa! Erü taxucüriwa texé Tupanaxü tawomüxëë. Rü yíxema chixexü üxe, rü chixexü tá tayaxu. Rü yíxema mexü üxe, rü mexü tá nixi i tayaxuxü. ⁸Rü yíxema tümaxüneärü ngüchaü üxe, rü ngëma tümaxüneärü ngüchaü rü tá yuwa tüxü naga. Natürü yíxema Tupanaãe i Üünexüärü ngüchaü üxe, rü ngëma Tupanaãe i Üünexüwa tá tanayaxu i maxü i taguma güxü. ⁹Rü ngëmacax tama name na nüxü rüchauexü na mexü ixüexü. Erü ngëxguma chi tama nüxü rüchauegu, rü düxwa mexü tá tayaxu i Tupanaxütawa. ¹⁰Rü ngëmacax ngëxguma tüxü nangëxmagu na tacümaã togüxü rüngüxëëxü, rü name nixi i guxäxüma tarüngüxëë. Natürü yexera tanaxwaxegü na nüxü rüngüxëëgüxü i ngëma taeneëgü rü taeyaxgü i yaxögüxü.

Pauru nayaxucuxëgü ga yema yaxögüxü, rü nüxü narümoë

¹¹Rü nuã tá ichanaxügü na chomaxüchima choxmexmaã pexçax

chanaximatũxũ i ñaã popera. iRũ
dũcax, nũxũ pedaũx i ngẽma choma
chaxumatũxũ na ñuxãcũ natamatũxũ!
12Rũ ngẽma Yudũgũ i pexũ ngũexẽxũ
na pegũ

ípewiechaxmũpexechiraũgũxũcax, rũ
ngẽmaãcũ pexũ namu erũ
nanataãẽxẽgũchaũ i ngẽma togũ i
Yudũgũ na tama naxchi naxaixũcax
nagagu na Ngechuchu ya Cristu ga
curuchagu yuciãxũ na yaxõgũãxũ.

13Erũ woo i nũmagũ na
ínawiũchaxmũpexechiraũxũ, rũ tama
nayanguxẽẽ i guxũma i mugũ. Natũrũ
nũmagũ rũ nanaxwãxegũ na pegũ
ípewiũchaxmũpexechiraũxũ, na
yixcama nũgũ yacuãxũũgũxũcax rũ togũ
i Yudũgũmaã nũxũ na yaxuxũcax na
pema rũ ta naxrũũ nagu pexĩxũ i ngẽma
nuxcũmaũgũxũ i mugũ. 14Natũrũ i
choma rũ chaugũ chicuãxũũ erũ nũxũ
chayaxõ ya tórũ Cori ya Ngechuchu ya
Cristu ga curuchagu yucũ. Rũ
ngẽmacaxicatama nixĩ i chaugũ
chicuãxũũxũ. Rũ ñuxma na Cristu ga
curuchagu yuciãxũ chayaxõxũ, rũ marũ
tama nagu charũxinũ i ñoma i naãne rũ
norũ ngẽmaxũgũ. Rũ ngẽxgumarũũ ta i

ñoma i naãne rũ marũ tama choxũ
nacuãxchaũ. 15Erũ ngẽxguma
Ngechuchu ya Cristuarũ duũxũgũ
ixĩgũgu, rũ Tupanapexewa rũ taxuũma
nixĩ i ngẽma na
íwiewchaxmũpexechiraũxũ rũ exna tama.
Natũrũ ngẽma aixcũma napexewa mexũ
nixĩ na naxũchicũũxũ i tórũ maxũ na
ngexwacaxũxũ i duũxũgũ ixĩgũxũcax.
16Rũ Tupanana naxcax chaca na pexũ
nataãẽxẽẽgũxũcax rũ nũxũ
pengechaũtũmũũgũxũcax i guxãma i
pema i aixcũma yanguxẽẽgũxe i ngẽma
pemaã nũxũ chixuxũ, rũ guxãma ya
yĩxema aixcũma Tupanaãrũ duũxũgũ
ixĩgũxe. 17Rũ ñuxmawena rũ tama
chanaxwãxe na texẽ tacũ rũ guxchaxũgũ
choxna ãxũ. Erũ choma rũ aixcũma tórũ
Cori ya Ngechuchuarũ duũxũ chixĩ. Rũ
ngẽma chorũ oxrigũchica i chowa
ngẽxmagũxũwa nũxũ pecuãx na
aixcũma yĩxũ i ngẽma. 18Pa
Chaueneẽgũx, chanaxwãxe i tórũ Cori
ya Ngechuchu ya Cristu pexũ
narũngũxẽẽ i guxãma i pemax. Rũ
ngẽmaãcũ yĩ.

*Rũ nuãma pexna,
Pauru*